




ՊԱՇՏՈՆԱԿԱՆ

ԲԱՐՁՐԱԳՈՅՆ ՀՐՈՎԱՐՏԱԿՆԵՐ

(Պետ. Հեռ. Գործ.)

Բարձրագոյն հրովարտակ յանուն Գերագոյն Զօրա-
հրամանատար Ն. Կ. Բ. Մեծ Իշխան Նիկողայ Նիկողայեվիչի:

Զերդ Կայսերական Բարձրութիւն. Պատերազմական
գործողութիւնների սկսուելու պատճառով, համապետական
ընդթ ունեցող հանգամանքներն ինձ հնարաւորութիւն չը
տուին հետեւելու իմ հոգու ձգտմանը՝ իսկոյն և եթ անձամբ
անցնել բանակի գլուխը, ուստի ցամաքային և ծովային բոլոր
ոյժերի բարձրագոյն հրամանատարութիւնը յանձնեցի
Զերդ Կայսերական Բարձրութեան: Ամբողջ Ռուսաստանի
առաջ Զերդ Կայսերական Բարձրութիւնը ցոյց տուեց
անսասան քաջութիւն՝ առաջ բերելով իմ և բոլոր ռուս
մարդկանց կողմից խորին վստահութիւն և մաղթանքներ,
որոնք անդաւաճան կերպով ուղեկցում էին Ձեր անուանը՝
ռազմական անխուսափելի փորձութիւնների ժամանակ:

Ի վերուստ Ինձ յանձնուած հայրենիքի արքայական պարտիքը հրամայում է Ինձ այժմ, երբ թշնամին մեր կայսրութեան սահմանների խորն է մտել, ռազմի դաշտ ելած զօրքերի Բարձրագոյն հրամանատարութիւնը յանձն առնել և բաժանել Իմ բանակի ռազմական ներդու-թիւնները և նրա հետ միասին փորձանքից պաշտպանել ռուսական երկիրը:

Աստուծոյ գործերն անխմանալի են, բայց Իմ պարտիքն ու ցանկութիւնս Իմ այդ որոշումն անյողզողդ են դարձնում պետական օգտակարութեան նկատումներով:

Թշնամու ուժեղացած զրոհը արևմտեան զօրաճակա-տից առաջադրում է սերտօրէն կենտրոնացնել բոլոր զին-ւորական և քաղաքացիական իշխանութիւնները նաև միա-ցնել ռազմական հրամանատարութիւնը պետութեան կառավարական բոլոր մասերի հետ, այդպիսով ուշադրու-թիւնը դրաւելով մեր հարաւային ռազմաբեմից:

Հանդամանքների դասաւորութեան շնորհիւ ընդու-նելով անհրաժեշտութիւնը Ձեր օգնութեան և խորհուրդ-ների՝ մեր հարաւային ռազմաբեմի վերաբերեալ, Ձերդ կայսերական Բարձրութեանը նշանակում եմ Իմ փոխար քան կովկասում և գլխաւոր հրամանատարը կովկասեան քաջարի բանակի, արտայայտելով Ձերդ կայսերական Բարձրութեան՝ Ձեր բոլոր ռազմական աշխատանքների համար՝ Իմ և հայրենիքի խորին շնորհակալութիւնը:

Մնամ դէպի Ձեզ անփոփոխ բարեհաճ՝

Իսկականի վրայ նորին Մեծութեան ձեռքով գրուած է:

Եւ Ձեզ անկեղծօրէն և սրտագին սիրով

«ՆԻԿՈԼԱՅ»

Արքայական կայան,

23 օգոստ. 1915 թ.